

Kárenaš Sámi Giella- ja kulturguovddáš  
Kárenaš Samisk Språk- og kultursenter Kárášjohka



**PREASSADIEÐÁHUS guovvamánu 28. b. 2026**

**Dálvi Borramušfestivála njukčamánu 6.-8. b. 2026 –**

**-Ávžžuhat nuoraid searvat kurssaide!**

Kárenaš Sámi Giella- ja kulturguovddáš bovde Dálvi Borramušfestiválii, mii bistá bearjadagas sotnabeaivái, njukčamánu 6.-8. b. 2026. Váldobáikin lea Kárášjoga Servodatviessu. Borramuškurssat gal leat Vuodđoskuvlla skuvlakievkkanis ja Bájis, Badjenjárggas.

-Illudat čohkket olbmuid loktet movtta eambo atnit min guovllu borramušresursaid. Lihkostuvaimet Skábma Borramušfestiválain 2025 ja giitit buohkaid rámi ovddas! cealkiba Kárenaš Sámi Giella- ja kulturguovddáža Áilen Nigá Dávvet Áilena Sára Álehtá, Sara Álehtá Guttorm Eira ja Juvlius-Inggá Gudrun Eliissá, Gudrun Eliissá E. Lindi.

**SISDOALLU:** Golmma festiválabeaivvis leat logaldallamat ja ovdanbuktimat, ságastallamat, čajáhusat, plakáhtačiehkka, borramuškurssat ja kafeá.

**FÁTTÁT** festiválas leat guolli eallinmoktan ja borramušresursan, meahcásteapmi, guovllu urtasat ja šattut ja ruošša beal sámiid borramušvierut.

**PROGRÁMMA** lea sámegeiel-dárogieiel plakáhtas, maid dás vieččat:

<https://www.karasjok.kommune.no/hovedportal/asseguovdil/dalvi-borramusfestivala-06-08-03-2026-bures-bohtin.14013.aspx>

**VÁLDOLogaldallin** lea guovdageaidnolaš Šelgon-Juhána Ristiinná, Kristine Gaup Grønmo, gii dál ássá Kárášjogas ja Smiervuonas. Son berošta sákka ekologijias, iešbirgejumis ja ceavzilis biepmus. Son bargá árvvosmahttit luonddu resursan árgabeaivvis ja erenoamážit movttiidahttit nuorat buolvva dás. Logaldallamis «Guolli eallinmoktan ja borramuššan» - mii lea bearjadaga - son juogada vásáhusaidis mo mearraguolli dikšu eallinmovtta ja buktá iešbirgejumi.

**KURSA - mo mearraáivaniiguin ráhkadit borramuša:** Ristiinnás lea lávardaga borramuškurssa gos oahpaha mo mearraáivaniiguin ráhkada dearvašlaš borramuša odđaáigásaš vugiiguin. Son ávžžuha nuoraid searvat kursii! Sus lea gieskat ilbman “Sámi árbevirolaš biepmut odđa hámis”-girji.

**HÁVGAGÁHKU-KURSA:** Ráhkkanat maddái kurssa hávgagáhkuid ráhkadit, ja kurssa lágiduvvo Bájis Badjenjárggas. Eanet dieđuid kurssas almmuhat vahku mielde.

**MEAHCÁSTEAPMI:** Lávvardat beaivi álgá Guovdageainnu Meahcceguovddáša Svein Lund bokte, guhte ovdanbuktá guovddáša ásaheamis ja barggus šattuid ektui. Su maŋŋil 86-jahkásaš kárášjohkalaš Erkke Niillas Inggá Niillas Ánde, Nils Anders Rasmus muitala earret eará jávreguolásteamis ja muorječoaggimis, mat ain leat dehálaččat sápmelaš olbmo eallindillái ja birgejumái. Son lea badjel 70 jagi eallán árbevirolaš meahcásteaddjin.

**URTASAT JA ŠATTUT:** Loahppabeaivve lávvardaga lea ságastallan das man lánkai atnigoahtit árvvus ja ávkkástallagoahtit šattuid ja urtasiid iežas lagašbirrasis, vai dasa lassána beroštupmi. Heaikka-Biehtár Ristin Rávnna Else Márja, Else Marie Isaksen čájeha gihppaga luondušattuin, ee. leat rávvagat mo boskkas ja čánás ráhkadit juhkamusa.

**UKRÁINALAŠ KAFEÁ:** Sotnabeaivve njukčamánu 8. b. ti. 12-15 bovdet goalmát geardde vuolil jagis ukráinalaš borramušreahtaid kafeái! Kafeá lea šaddan bivnnut, ja gieldda dorvoohcciidkonsuleanta Gordana Kristensen, guhte lea odđajagis álgán virgái, illuda vásihit doaluid.

**Riikkaidgaskasaš NISSONBEAIVVI čalmmustahttit njukčamánu 8. b. ti. 14-16:** Valentina Sovkina, Lujávrris eret, muitala ruošša beale sápmelaččaid borramušvieruin. Dasto bovdet háleštit áigeiguovdilis áššiin nissonbeaivvi oktavuodas.

**Lágideaddjin leat:** Kárenas Sámi Giella- ja kulturguovddáš, ovttasbargiiguin. Prošeavtta dorjot: Kárášjoga gieldda, Norgga Kulturgiisá Kulturtanken, Samfunnsløftet Sparebank1 Nord-Norge, Sámediggi.

**Gulahallanolbmot:**

[sara.alehtta.guttorm.eira@karasjok.kommune.no](mailto:sara.alehtta.guttorm.eira@karasjok.kommune.no) Tel. 403 04 901

[gudrun.eriksen.lindi@karasjok.kommune.no](mailto:gudrun.eriksen.lindi@karasjok.kommune.no) Tel. 413 12 824

**Mielde: Plakáhta – Dálvi Borramušfestivála Matfestival 6.-8.3.2026**

**BURES BOAHTIN DÁLVVI BORRAMUŠfestiválii!**